



Broj:03/9-11-8-8418-OIKP-JP/22 E.Š.

Datum:

02 -08- 2022

Na osnovu člana 17. i 22. Statuta Zavoda zdravstvenog osiguranja Kantona Sarajevo („Službene novine Kantona Sarajevo“ broj 4/00, 18/02, 30/08, 01/12, 15/13 i 9/22), Pravilnika o postupku dodjele ugovora o uslugama iz Aneksa II Dio B Zakona o javnim nabavkama („Službeni glasnik BiH“, broj 66/16), Uredbe o kontroli javnih nabavki u svim insitucijama čiji je osnivač Kanton Sarajevo („Službene novine Kantona Sarajevo“ broj 27/19, 29/19, 48/19 i 13/20), Procedure o javnim nabavkama Zavoda zdravstvenog osiguranja Kantona Sarajevo broj 01-33-5-18742-1/20 od 12.01.2021. godine i 01-33-5-18742-2/20 od 14.01.2021. godine, Plana javnih nabavki Zavoda zdravstvenog osiguranja Kantona Sarajevo za 2022. godinu broj 01/2-02-2-6401-2/22 od 11.05.2022. godine i broj 01/2-02-2-11041-1/22 od 21.07.2022. godine, Odluke o pokretanju postupka broj: 03/9-11-8-8418-OPP-JP/22 E.Š. od 06.06.2022. godine i Odluke Upravnog odbora Zavoda zdravstvenog osiguranja Kantona Sarajevo broj 01/2-02-2-1176-2/22 od 01.08.2022. godine, direktor Zavoda donosi

## **ODLUKU**

o izboru kvalificiranih ponuda za javnu nabavku  
**„Usluge biomedicinski potpomognute oplodnje“**

### **I**

Prihvataju se ponude ponuđača PZU Ginekološka poliklinika “KORAK DO ŽIVOTA” Tuzla, PZU Zavod za humanu reprodukciju “Dr. BALIĆ” Tuzla, PZU BAHCECI HEALTH SERVICES BH Sarajevo, PZU NEW LIFE Sarajevo i BONA DEA IVF clinic & women health centar Sarajevo u skladu sa provedenim Javnim pozivom/pozivom za dostavljanje ponuda za „Usluge biomedicinski potpomognute oplodnje“ broj 03/9-11-8-8418-JP-PDP/22 E.Š. od 20.06.2022. godine provedenog u skladu sa Aneksom II Dio B Zakona o javnim nabavkama („Službeni glasnik BiH“, broj 66/16).

### **II**

Direktor Zavoda zdravstvenog osiguranja Kantona Sarajevo će sa izabranim ponuđačem iz tačke I ove Odluke po pravosnažnosti iste i po ispunjenju ostalih preduslova, zaključiti Ugovor za „Usluge biomedicinski potpomognute oplodnje“, na period do 31.12.2022. godine.

Prijedlog ugovora o nabavci dostavit će se na potpis izabranim ponuđačima, nakon 10 (deset) dana, računajući od dana kada su ponuđači obaviješteni o izboru.

### **III**

Ova odluka će se objaviti na web-stranici Ugovornog organa [www.kzzosa.ba](http://www.kzzosa.ba) istovremeno sa upućivanjem ponuđačima koji su učestvovali u postupku javne nabavke

### **IV**

Odluka stupa na snagu danom donošenja i čini sastavni dio dokumentacije o provedenom postupku.

## **OBRAZLOŽENJE**

Postupak javne nabavke putem Javnog poziva/poziva za dostavljanje ponuda za nabavku „Usluge biomedicinski potpomognute oplodnje“ pokrenut je Odlukom o pokretanju postupka javne nabavke broj: 03/9-11-8-8418-OP-JP/PDP/22 E.Š. od 06.06.2022. godine, a na osnovu Zahtjeva za pokretanje postupka javne nabavke broj: 05/1-11-

Adresa: Ložionička br. 2, 71 000 Sarajevo

ID broj: 4200178560003, PDV broj: 200178560003, Broj upisa u sudski registar: 65-05-0051-12,

Depozitni račun broj: 154-921-2014617245, Glavni transakcijski račun broj: 154-921-20146171-48,

Transakcijski račun broj: 140-101-1110004304

Tel. +387 33 72 52 00, +387 33 72 52 07, Fax +387 33 72 52 98, +387 33 72 52 52

e- mail: [info@kzzosa.ba](mailto:info@kzzosa.ba) [kabinet@kzzosa.ba](mailto:kabinet@kzzosa.ba)

8-8418/22 od 06.06.2022. godine dostavljenog od strane Sektora za medicinske i farmaceutske poslove, Odjela za medicinske poslove a u skladu sa Planom nabavki Zavoda zdravstvenog osiguranja Kantona Sarajevo za 2022. godinu 01/2-02-2-6401-2/22 od 11.05.2022. godine i Rješenja o imenovanju komisije broj 03/9-11-8-8418-RK-JP/22 E.Š. i procijenjenom vrijednosti nabavke bez PDV-a u iznosu od 500.000.00 KM (bez PDV-a) na period do 31.12.2022. godine.

Zakonski osnov za provođenje Javnog poziva/poziva za dostavljanje ponuda je Pravilnik o postupku dodjele ugovora o uslugama iz Aneksa II Dio B Zakona o javnim nabavkama („Službeni glasnik BiH“, broj 66/16).

Ugovorni organ je u skladu sa Pravilnikom, uputio poziv ponuđačima koji imaju verifikaciju (Rješenje) od strane Federalnog ministarstva zdravstva za vrste postupka biomedicinski potpomognute oplodnje (pojedinačno) i važeću dozvolu za rad u ugovornom periodu.

Do isteka roka za prijem ponuda je zaprimljeno 6 ponuda, a što je konstatovano Zapisnikom o zaprimanju ponuda broj 03/9-11-8-8418-ZPOP-JP/22 E.Š. od 06.07.2022. godine.

Komisija je izvršila otvaranje, pregled i ocjenu ponuda 06.07.2022. godine što je konstatovano Zapisnikom o pregledu i ocjeni ponuda za nabavku putem javnog poziva/poziva za dostavljanje ponuda „Usluge biomedicinski potpomognute oplodnje“ broj 03/9-11-8-8418-ZOOP-JP/22 E.Š. od 06.07.2022. godine.

Na osnovu zapisnika iz prethodnog stava, komisija je konstatovala da je 5 ponuda ispunilo uslove iz Poziva, i to ponude ponuđača PZU Ginekološka poliklinika “KORAK DO ŽIVOTA” Tuzla, PZU Zavod za humanu reprodukciju “Dr. BALIĆ” Tuzla, PZU BAHCECI HEALTH SERVICES BH Sarajevo, PZU NEW LIFE Sarajevo i BONA DEA IVF clinic & women health centar Sarajevo, dok jedna ponuda, ponuda ponuđača Poliklinika “ARBOR VITAE Dr. Sarić” Mostar nije ispunila uslove.

U skladu sa članom 17. Statuta Zavoda („Službene novine Kantona Sarajevo“ broj 4/00, 18/02, 30/08, 1/12, 15/13 i 9/22) tražena je saglasnost od Ministarstva zdravstva Kantona Sarajevo za donošenje odluke o izboru navedenih ponuđača za pružanje usluga biomedicinski potpomognute oplodnje i zaključivanje ugovora sa istim broj 03/9-11-8-8418-SMZ/22 E.Š. od 15.07.2022. godine, te je Ministarstvo zdravstva Kantona Sarajevo na istu dalo saglasnost dana 27.07.2022. godine pod brojem 10-33-28127/22.

U skladu sa navedenim, Upravni odbor Zavoda zdravstvenog osiguranja Kantona Sarajevo je 01.08.2022. godine donio Odluku o davanju saglasnosti Direktorima broj: 01/2-02-2-11767-2/22 od 01.08.2022. godine za donošenje odluke o prihvatanju kvalificiranih ponuda i potpis Ugovora za predmetnu nabavku.

Na osnovu navedenog, odlučeno je kao u tački I dispozitiva ove odluke.

Sastavni dio ove odluke čini Zapisnik o pregledu i ocjeni ponuda za nabavku putem Javnog poziva/poziva za dostavljanje ponuda „Usluge biomedicinski potpomognute oplodnje“ broj: 03/9-11-8-8418-ZOOP-JP/22 E.Š. od 06.07.2022. godine.

#### **POUKA O PRAVNOM LIJEKU:**

U skladu sa članom 101. Zakona o javnim nabavkama („Službeni glasnik BiH“, broj 39/14), protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke, na način propisan članom 99. i 105. Zakona o javnim nabavkama („Službeni glasnik BiH“, broj 39/14).

Objaviti: - na [www.kzzosa.ba](http://www.kzzosa.ba).

Dostaviti:

- Direktor
- Ponuđačima:
- Odjeljenu za nabavke:
- a/a:



DIREKTOR

Mr.sci.oec. Muamer Kosovac